

रामदेव पधारया देवल मायने,  
हे आया रे देवगढ़ रे माय,  
हे रामदेव पधारया देवल मायने भाईडा,  
हे आया रे देवगढ़ रे माय ओ जी हा ॥

हे लालजी खेड़ा मे मिन्दर सोवनो भाईडा,  
ए दुनिया आवे है दर्शन ताय ओ जी हा,  
हे सुता फेबसिंह ने सपनो आवियो भाईडा,  
हे दिखे बाबो लीले रो असवार ओ जी हा ॥

हे सपनो जाने ने बातो भूलगयो भाईडा,  
हे करवा रे लागा रे नजरो पार ओ जी हा,  
हे मिन्दर बनानो थारा गाँव में भाईडा,  
हे भगत हो जावो नी तैयार ओ जी हा ॥

हे परचो दिखलायो बाबा रामदेव भाईडा,  
हे आँखीया मे छायो है अंधकार ओ जी हा,  
हे माफी मांगेने भगत चालीया भाईडा,  
हे आवे आवे गाँव खेड़ा रे माय ओ जी हा ॥

हे ब्राह्मण बनने आया रामदेव भाईडा,  
हे एक थेलो दियो रे सम्भलाय ओ जी हा,  
हे जगह बताई खुद आयने भाईडा,

हे दिनी बाबो गुलाल उडाय ओ जी हा ॥

हे नखल्या दिराया पुरण सिंह ने भाईडा,  
हे बाबो दिनो करज चुकाय ओ जी हा,  
हे बात बताई भोला भगत ने भाईडा,  
हे बैठो वेतो मुम्बई रे माय ओ जी हा ॥

हे हुवो अचंबो सारा शहर में भाईडा,  
हे कुन गयो रूपीया चुकाय ओ जी हा,  
हे मुरत घडाई जयपुर मायने भाईडा,  
हे गाजे रे बाजे सु मंगवाय ओ जी हा ॥

हे परचो दिखायो बाबा रामदेव भाईडा,  
हे थाली पडी सजीयोडी माय ओ जी हा,  
हे मिन्दर चुनवायो हद सोवनो भाईडा,  
हे बाबा रो प्यारो दरबार ओ जी हा ॥

हे दुखीया रा दुखडा मेटे रामदेव भाईडा,  
हे महिमा जग में अपरम्पार ओ जी हा,  
हे आंधा ने देवे बाबो आँखीया भाईडा हे,  
बांज्या री गोद भराय ओ जी हा ॥

हे सांझ सवेरे होवे आरती भाईडा हे,  
झालर री होवे झनकार ओ जी,  
हे दर्श दिखावे बाबा रामदेव भाईडा,  
हे बाबो दुखीया रो दातार ओ जी हा ॥

रामदेव पधारया देवल मायने,  
हे आया रे देवगढ़ रे माय,  
हे रामदेव पधार्या देवल मायने भाईडा,  
हे आया रे देवगढ़ रे माय ओ जी हा ॥

गायक प्रकाश माली जी ।  
प्रेषक मनीष सीरवी  
9640557818

Source:

<https://www.bharattemples.com/ramdev-padharya-deval-maayne-aaya-devgadh-maay/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>